

NJÁLMMÁLAŠ DIGAŠTALLAN

Digaštallan-bargobihtát:

Oahppit galget hárjehallat sosiála gelbbolašvuoda.
Dii sáhttibehtet «čohkket» dilálašvuodaid mat čuožžilit din
árgabeaivvis ja ráhkadit dain sullasaš
sosiála gelbbolašvuoda hárjehallanbargguid.

Guokte oahppi, okta lea **A** ja nubbi lea **B**.
Oahppit galget lonuhit nu ahte guktot beassaba
geahččalit leat A ja B.

A	B
<p>Dus lea hui hoahppu go don leat ribahan oadđit menddo guhkká. Don viehkalat basadanlatnjii go leat borastan, muhto dat lea lohkas danne go stuorraoabbá lea doppe.</p> <p>Don dáhtut mángii su doapmat ja geargat vai donge beasat dohko. Muhto son ii oro háliideamen boahit olggos doppe. Don stressest, áigi manná ja son lea leamaš doppe jo guhkká.</p> <ul style="list-style-type: none">• Mo don sáhtát su oaččuhit boahit olggos doppe?	<p>Don leat stuorraoabbá. Otne don leat basadanlanjas go uhcaoabbá háliida sisa. Son lea, nu go dábálaččat, menddo manjit jođus go son lea oadđán menddo guhkká ja čohkkán menddo guhkká iđitborramuša boradan.</p> <p>Otne don it hálit addit iežat áiggi, go du mielas dus lea riekti oažžut geavahit dan áiggi basadanlanjas maid don dárbbášat. Danne don it vuollán go son boahat ja ánuha sisa.</p> <ul style="list-style-type: none">• Maid don dajat sutnje?

A	B
<p>Don ja okta skihpár eará skuvllas deaivvadeahkki soaittáhagas muhtin manjá gaskabeaivve. Doai ilosmuvvabeahtti oaidnalit, ja mearrideahppi juoidá fuomášit vahkkoloahpas.</p> <p>Don bovdet su iežat ruktui ja evttohat ahte doai čillebeahtti, hálešteahppi, speallabeahtti dihtorin, guldaleahppi musihka, ráhkadeahppi njálgga biepmu ja geahččabeahtti TV. Du skihpár datte ii oro nu beare movtta ja ilus dáinna...</p> <ul style="list-style-type: none"> • Mo doai de loahpas soaba-deahkki? 	<p>Don deaivvat soaittáhagas muhtin skihpára gii vázzá eará skuvllas. Doai ilosmuvvabeahtti oaidnalit. Doai mearrideahppi fuomášit juoidá ovttas dán vahkkoloahpa. Don mitalat ahte don liikot leat olgun ja leat aktiiva, omd čierastit sabeiiguin, snowboard, čiekčat spáppa, mannat vuojadit vuojadanhállas, mannat kinoi, ja ollu eará. Du skihpár ii oro beare movtta du evttohusaiguin...</p> <ul style="list-style-type: none"> • Mo doai de loahpas soaba-deahkki?

A	B
<p>Don leat suhttan ja behtton dannego muhtin eará nieida/gánda lea váldán du moarsi/irggi. Don manat buoremus skihpára lusa mitalit mii lea dáhpáhuvvan ja váidalit ja dus leat duođalaš plánat mávssahit. Don áiggut su sealgádit ja dárbbášat veahki skihpárjoavkkus.</p> <ul style="list-style-type: none"> • Maid don dajat? 	<p>Don leat ruovttus ja du buoremus skihpár boahotá guossái. Son lea suhttan ja behtton ja áiggošii sealgádit muhtin eará skihpára dannego son lea váldán su irggi/moarsi. Don oainnat ahte du skihpár lea suhttan ja behtton, ja ahte son dárbbáša veahki jaskkodit ja bidjat eret iežas jallas plánaid.</p> <ul style="list-style-type: none"> • Maid don dajat? • Mo don veahkehat su?

A	B
<p>Don leat čohkkámin iežat pulтта guoras skuvllas. Don leat čállimin ja bláđemin girjjiid, ja dus lea olles girjelátna das pulttas. Muhtin skuvlaoabbá dahje skuvlaviellja vázzá meattá ja lihkastahttá girjelána nu ahte buot girjjit gahččet láhttái. Don suhtat.</p> <ul style="list-style-type: none"> • Maid don dagat? • Maid don dajat? 	<p>Don leat skuvllas ja leat boahhtimin feaskáris gosa leat hengen jáhka maŋŋá friddjabottu. Dus lea hoahppu dannego dus leat ollu skuvlabarggut mat galget dahkkot ovdal vahkkoloahpa. Don váccát ulbmillaččat iežat pultii, muhto de ribahat njeaidit muhtin mieloahppi girjelána láhttái.</p> <ul style="list-style-type: none"> • Maid don dajat? • Maid don dagat? • Válldátgo ovddasvástádusa?

A	B
<p>Dus lea ahkit ja it dieđe maid galggat bargat. Don snáppet iežat buoremus ustibiid ja evttohat doai vuolgibeahhti fárrolaga márkaniid.</p> <p>Du buoremus ustit hilgu du sávaldaga.</p> <ul style="list-style-type: none"> • Mo don dan dustet? 	<p>Don leat aitto boahhtán spábbačiekčanhárrjehallamis ja leat hoahpus borasteamen ovdalgo fas leat mannamin, ja dalle Erkke lusa speallat su ođđa dihtorspealu.</p> <p>Don fertet hilgut buoremus ustiba sávaldaga.</p> <ul style="list-style-type: none"> • Mo dan dagat?